

BIDANG KEPAKARAN

1. Kimia Analitikal
(*Analytical Chemistry*)
2. Pengurusan Air
(*Water Management*)
3. Pendidikan Alam Sekitar
(*Environmental Education*)



PROF. DATO' ChM. DR. MAZLIN BIN MOKHTAR

PROFIL

Mazlin Bin Mokhtar adalah Profesor di Universiti Kebangsaan Malaysia (UKM) di mana beliau kini berkhidmat sebagai Felo Utama di Institut Alam Sekitar dan Pembangunan (LESTARI), UKM. Kepekaran Profesor Mazlin adalah dalam bidang Sains Kimia (Analisis Kimia), Sains Alam Sekitar (Isu dan Penilaian Alam Sekitar, penunjuk untuk kemampanan), Sains dan Teknologi Gunaan (Teknologi Air, Pengurusan Air), Sains dan Teknologi Gunaan (Teknologi Pendidikan, Pendidikan Alam Sekitar) dan Sains Kelestarian. Profesor Mazlin dilantik sebagai Pengarah LESTARI, UKM dari 2005 hingga 2013; dan dilantik semula sebagai Pengarah LESTARI pada Mac 2019 hingga Feb 2022. Beliau diberikan kepercayaan oleh Canselori UKM untuk dilantik sebagai Timbalan Naib Canselor (Penyelidikan dan Inovasi) UKM dari 16 Januari 2014 hingga 15 Januari 2017. Profesor Mazlin pernah dilantik menjadi Pengerusi Majlis Kualiti Alam Sekeliling Malaysia bagi Penggal ke-15 selama tiga tahun (2015-2018), Timbalan Ketua Kluster (Sumber Asli dan Alam Sekitar) Majlis Profesor Negara (MPN) pada tahun 2011 hingga kini dan beliau terpilih antara salah seorang Jawatankuasa Panel Pencalonan Tokoh Akademik Negara (AAN) yang dilantik oleh Majlis Profesor Negara pada tahun 2012. Kepekaran dan bidang beliau terserlah dengan pelantikan sebagai Felo Akademi Sains Malaysia (ASM), dan Felo Institut Kimia Malaysia (IKM). Selain itu, beliau juga menyumbang bakti dalam institut pengajian tinggi selain UKM melalui jawatan sebagai Felo Kehormat RIMBB, Jeffrey Sachs Centre (JSC), Universiti Sunway dan di Institut Penyelidikan Alam Sekitar Pantai Timur (ESERI) (2018 - 2020). Profesor Mazlin juga dilantik sebagai Ahli Panel Lembaga Rayuan di Bawah Seksyen 36, Akta Kualiti Alam Sekeliling 1974 (AKAS 1974) oleh Jabatan Alam Sekitar dari tahun 2020-2023. Selain itu, beliau juga dipilih sebagai "Member of SCRP's Advisory Council" mulai 1 Januari 2020 hingga 31 Disember 2021. Beliau juga diberi kepercayaan oleh Jabatan Perdana Menteri dan Akademi Sains Malaysia untuk dilantik sebagai Ketua Task Force Task Force on Advocay, Awareness, Capacity Building and Public Participatory Platforms. KPT mengiktiraf kepekaran beliau dengan melantik beliau sebagai AJK Penilaian Tetap Dana Penyelidikan Kementerian Pengajian Tinggi (DP KPT) Tahun 2020.